

KUÑA PARAGUAY REFLEXIÓN DE 5 MINUTOS

Versión resumida Número 14

TEMA: EL ENOJO-CONTROLANDO EL ENOJO

Maralina: Mba'éichapa che angirũ. Ko árape ñañe'ëta peteĩ mba'e rehe ojapo vaiva ñande rogapyre. Ñañe'ë hína pochý rehe. Opavave ñande pochý ñande rekovépe ha ñañeha'õ avei ani haḡua ipu'aka ñande rehe. Ñañeporandu ¿Moõguipa ou pochý? ¿Mba'érepa tapicha ipochý ramo ikatu ojapo ivaiva?.

Violencia ja'e ramo ñane mongyhyjéma voi. Opavave jakyhyje pochý vaígui. Oĩ tapicha ohasáva violencia ha oĩ avei ambue oguerekóva hapichápe violenciápe. ¿Ha violencia ivai ramo mba'ére jahecha heta tapicha ipochý vaietereiva?

Peteĩ óga ndaipórihápe violencia ha'e hína pe oĩ hame mborayhu, oñeñangareko ojuehe, ha oĩ avei ñyrõ. Bíbliápe he'i: " Peje añetegua mborayhúpe". Péva he'ise ja'e va'erã añetegua ñañe'ë vai ýre ñande rapichápe , ani ja'e pochý reheve.

Oĩ mokõichagua pochý. Peteĩ ha'e hekoite pegua ha ambue katu ha'e pe ivaíva. Pe pochý hekoite pegua ñane pytyvõ jajapo haḡua iporãva, ambue pochý ñane mbyai. Bíbliápe he'i Ñandejára ipochý mba'e vai oikóva rehe.

Ne mandu'áke osẽ vove nde jurúgui ñe'ë ndaikatu véima rejoko.

Iporã eikuaa ikatuha nde pu'aka pochý rehe. Ikatu reisambyhy pochý kóicha.

- Ikatu reñembo'e Ñandejárape ha ejerure chupe ipytyvõ nde pu'aka haḡua pochý rehe.
- Eheja pe nde py'apýva sapy'a ikatu haḡuaicha ejepy'a mongeta ha eñembo'e hese Ñandejárape.
- Ani ejoko nde pytu, ne pytuhẽ porã. Ere ñe'ë ne pytyvõtava py'aguapýpe.
- Ejepy'a mongeta pe rejapóva rehe hína.
- Jahechakuaa va'erã opavave ikatu jahasa vai nda jahupytýi rupi umi jaipotáva péva rehe na ñande pochýi va'erã.

Amombe'use ndéve "Cain ha Abel rembiasakue rehegua" jajuhúva Génesis capítulo 4pe.

“Cain ha Abel ogueru imba’e kuave’ẽ Nãndejárape. Cain ogueru Nãndejárape iñemitýnguégui ikuave’ẽ. Abel ogueru peteĩ ovecha ra’y ypykue Nãndejárape.

Nãndejára oguerohory Abel kuave’ẽ, oikuaágui ikorasõme oĩva, ha ndohecha porãi umi ka’avo ome’ẽva Cain. Bibliape he’i: “ Caín ipochy ha opoi hovágui .Ndaikatúi ramo ombyepoti Nãndejárape ojahéi ityvýra rehe. Caín ojuka Abelpe. Cain rehe ipu’aka pochy, pochy vai reheve ojuka iñermanope oimo’ã ÿre.

Nãndejára oporandu ramo guare chupe iñermano rehe, Cain ombohováí chupe: “Ndaikuaái . Che piko che ryvy rerekua mba’e?

Nãndejára ombohováí Caínpe:“Rejapo rire iporãva revy’a va’erã mo’ã. Rejapo haguére ivaíva katu , upe ivaíva ne ra’arõ nde rógga rokẽme ha nde rerekose ipoguýpe. Ha nde ikatu nde pu’aka hese.(Génesis 4 : 5-7)

Bibliape he’i Efesios cap 4: 26-27.” Pende pochy ,anitei pejapo angaipa. Anitei pytũ jepe pende pochy hape, aña ani haḡua ipu’aka pe nde rehe”.

“ Pochy ndohejai Nãndejára omba’apo ñande rekovépe”.

Koicha he’i Nãndejára ñe’ẽ : “ Pene mandu’áke che pehengue kuéra pohayhúva pene kyre’ỹ va’erã, pehendú haḡua, ha pene mbegue va’erã pe ñe’ẽ haḡua. Pe ipochýva niko ndojapói iporãva Nãndejára renondépe” (Santiago 1: 19-20)

Nãndejára ñe’ẽme he’i:” Ani ejapo nde rapicha rehe nde reipotáiva ojejapo nde rehe. Romanos 12:19pe he’i: “Che pehengue kuéra ahayhúva, ani pemyengovia pẽẽ voi, peheja Nãndejárape toporonupã. Nãndejára ñe’ẽ niko he’i: “Che aporomboheko joja va’erã, che ahepyme’ẽta he’i Nãndejára”.

Che angirũ reiko ramo peteĩ óga oĩ hape pochy ikatu ere ¿Mba’éicha piko aguerekóta py’aguapy, che rógape?

Bibliape he’i Jesús ha’eha pe ome’ẽva py’aguapy. Nãndejára oheja jaiko py’aguapýpe jajeroivia ramo hese. Ejeroviakena Jesús rehe, ha’e ome’ẽta ndéve py’aguapy. Nãndejára tane pytyvõ rejapo haḡua upéicha.